



(Davos da san.)  
Pia Valär, Anita Simeon Lutz, Valeria Badilatti; (davant)  
Silvana Derungs,  
Linus Berther e  
Mirta Nicolay.

FOTO F. ANDRY

# Poesias ed in raquint en trais versiuns

Leta Semadeni ed Oscar Peer han prelegì

■ (anr/fa) «In mia vita da vuolp» sa numna l'ovra da Leta Semadeni, l'emprim cudesch edi da la Chasa Editura Rumantscha. L'emprima versiun da «La chasa veglia» ha Oscar Peer scrit l'onn 1952. «Jau na vi gnanc savair memia precis pertge che jau tematisesch uschè savens animals en mias poesias», ha ditg l'autura Leta Semadeni avant che preleger or da ses pli nov cudesch. Cur ch'el-

la fascheva visita a ses tat a Vnà geva ella gugent en stalla tar ils animals, ed era ses bab ch'era da professiun magister fascheva anc da pur. Uschia ha l'autura adina già bier contact cun animals: «Cun mes giat fetschi anc oz dialogs, ed jau hai l'impressiun ch'el m'enclegia be precis.» Dapli nun ha ella tradì al moderatur Rico Valär ed als auditurs.

L'onn 1952 aveva scrit Oscar Peer en il

Chalender Ladin il curt raquint «La chasa veglia». 1999 ha'l publitgà in raquint pli lung cun il medem titel sco tom da la Chasa Paterna. E quest onn è cumparì en il Limmat Verlag il pli lung raquint davart la medema chasa veglia. Cun la moderatura Mevina Puorger ha discurrì l'autur il svilup da quest raquint da la chasa veglia ch'il protagonist Chasper Fluri erta, ensemble cun in mantun daivets.